

# **Landesbibliothek Oldenburg**

**Digitalisierung von Drucken**

**Samuelis De Cocceji, Henr. Fil. Sacræ Regiæ Majestatis  
Borussicæ Magni Cancellarii, A Consiliis Sanctioribus  
Status Et Rei Bellicæ, Ordinis Nigræ Aquilæ Equitis Etc.  
Jus Civile Controversum Ubi ...**

Opus Ad Illustrationem Compendii Lauterbachiani ...

**Cocceji, Samuel von**

**Lipsiæ, 1766**

LIB. XLVIII. TIT. XVIII. De Quæstionibus.

**urn:nbn:de:gbv:45:1-9050**

Unde & merito id rejicit *Carpz. Pract. Crim. quaest. 105. n. 29. Et multis seqq.* Dicendum omnino est, in primis *d. l. 3.* generaliter intelligendam de omnibus casibus, quibus criminali iudicio in absentes procedi potest; quia tam late patent, ut quodammodo regulam generalem constituere possint, juxta *d. l. 3.* Nam in absentes, & procuratore interveniente procedi potest, cum in omnibus criminibus, quorum poena non est capitalis, vel corporis afflictiva; tum in omnibus aliis quoad causam contumaciae, praeterea in praedictis speciebus, etiam quoad principalem. Unde suo sensu regula fieri potest: in criminibus quoque adversus absentes procedi & procuratorem admitti posse; juxta *d. l. 3.* exceptis poenis corporis afflictivis, nisi & illae specialiter exemptae sint, *Carpz. Pract. Crim. quaest. 105.* ubi per totam quaestionem luculenter exponit casus, quibus procurator intervenire in criminibus a parte rei possit; de quo actum ab initio est.

LIB. XLVIII. TIT. XVIII.

## DE QUÆSTIONIBUS.

Qv. I. *An usus torturae Juri Naturae conveniat?*

**N**EGATUR; (1) quia vera poena est, scilicet malum passionis, quae *Laut. pag. 706. verb. Earum usus, &c.* (2) nondum probato crimine inferri nequit; in primis (3) cum gravior sit ipsa poena corporali, quin quandoque morte ipsa; (4) exempla docent, saepius contra veritatem aliquid asseri metu torturae: ita enim innocentem rotæ impositum, nocentem absolutum esse, tradit *Gillh. c. 6. p. 7. n. 6. Et 7.* Sane (5) confessio vi extorta, & metu repetita, nec in civilibus & levioribus probat. (6) Tutius in dubio est, nocentem dimittere, quam innocentem damnare. (7) Unus testis nec in minimis probat, nedum ad corpus affligendum sufficit illius assertio. Unde (8) apud gentiles solis servis olim quaestio imponebatur, multo magis ergo Christiani ea abstinere deberent.

OBST. Quod multa crimina ita manerent impunita.

RESP. (1) Hoc non est ex defectu justitiæ, sed probationis: poena igitur Dei iudicio committenda est.

RESP. (2) Si gravia indicia contra aliquem militent, poena extraordinaria, perpetuo carcere &c. puniri posset.

Tt tt 3

Qv. II.



QV. II. *An socii criminis nominatio sit indicium ad tor-  
ruram?*

Laut. pag.  
708. verb.  
socii cri-  
minis &c.

**R**ESP. Quinque hic conjunctim requiruntur in *O. Crim. art. 31.* (1) Ut interrogatio de complicitibus fiat a Judice in carcere vel tortura, in genere & absque suggestione; vid. *Disp. Dn. Parent. de Soc. crim. Sect. 3. § 43.* ubi exceptiones quoque refert; si non rogatus ultro socios nominet, viam aperit ad inquisitionem, *ibid. §. 44.* (2) Ut interrogetur de omnibus circumstantiis, quomodo, quo in loco, & quo tempore socius, quem nominavit, ei præsto fuerit; quæ vulgato versiculo continentur: *Quis, quid, ubi, quibus auxiliis, cur, quomodo, quando, ib. th. 45.* (3) Ut Judex inquireat, an inter reum nominantem socium, & socium nominatum sint inimicitia &c. nisi denunciatus eximia signa & indicia verisimilia rei, vere ita gesta, afferat. *ibid. th. 46.* (4) Ut denunciatus talis persona sit, & iis moribus, quæ de ejusmodi commissio merito in suspensionem venire possit: quo pertinet fama & vita ante acta, *ibid. th. 47.* (5) Ne quid denunciatus, vel maleficus vacillet, aut confessionem mutet, sed dicta citra vim & vincula ratificet, *ibid. th. 48.*

QV. III. *An Doctores & Professores torqueri possint?*

**N**EGATUR; quia clarissimi, item genere aut dignitate præclari torqueri non possunt, *L. 16. C. de Quæst. L. 4. C. ad L. Jul. Maj. Doctores autem & Professores tales sunt, L. 10. C. de Dign. L. 4. §. 1. C. de Adv. divers. jud. L. 1. C. eod.* Sed Doctores æquiparantur militibus, *L. 14. C. de Advoc. divers. jud. milites autem itidem non torquentur, L. 4. C. ad L. Jul. Maj.* Sane Decuriones & principales, quibus propter dignitatem similes sunt Professores, nec per consuetudinem temeraria usurpationis quæstioni subjici possunt, *L. 33. C. de Decur.* Sed & Professores uruntur juribus clericorum: *Vid. Dn. Par. Jur. publ. prud. c. 31. §. 12.* Clerici autem, si Presbyteri vel in majori gradu constituti sunt, torqueri nequeunt, *L. 8. C. de Episc.*

**OBJ.** Quod reatus omnem honorem excludat, *L. 1. C. Ubi Senat.*

**R**ESP. Reatus hic dubius adhuc est, adeoque nondum excludit honorem; sed & loquitur de foro privilegiato, quod in reatu constitutis non datur.

*Hodie consensu Principis, uti Nobiles, milites, ita & Doctores & Professores subjici quæstioni possunt, Vid. Dn. Berg. h. qu. 1.*

QV. IV.



Qv. IV. *An testes quoque torqueri possint?*

**A**FFIRM. Lauterbach, h. pag. 711. si veritatem malitiose supprimant. *Laut. pag. 711. verb.*  
Regulariter ergo torqueri testes non possunt, per textus genera-  
les, ubi dicitur, testes torquendos non esse, *L. 15. pr. 18. §. 3. h. nam illi* *hoc in casu.*  
saltem veritatis causa examinantur, non, ut participent de alterius delicto.

Exc. (1) in crimine læsæ Majestatis, *L. 20. §. 1. h. at tunc non ut testis, sed ut conscius delicti torquetur, L. 3. L. 5. C. Ad L. Ful. Maj.*  
(2) Si ipso facto intervenire, & tamen malitiose veritatem supprimant, *d. L. 18. §. 3. h.* (3) Si dolose vacillent, & varient in testimonio, *d. L. 15. pr. Conf. Nov. 90. c. 5. in fin.*

Qv. V. *An, si nova interveniunt indicia, tortura repeti possit?*

**N**EGATUR, sed tantum, si nova superveniant indicia; quia tortura *Laut. pag. 712. verb.*  
est species purgationis ab indiciis, quando quis ergo semel se pur-  
gavit, ulterius purgandus non est: idque diferte ita traditur in *L. 18. §. 1. nisi (1) Sc.*  
*h. ibi; evidentioribus argumentis oppressus repeti in quaestionem potest.*

Obst. *L. 16. h. ibi: repeti posse quaestionem.*

Resp. Si nova superveniant indicia, *d. L. 18. vel si neget ea, quæ semel confessus est, Goth. ad d. L. 16. O. Crim. art. 57.*

Adeoque repeti (1) potest ob noviter emergentia indicia, quæ arbitrio Judicis relinquuntur, *O. Cr. art. 58.* (2) Si non sustinuit, sed specie contentis dimissus est, & postea revocet; quia decreto & sententiæ nondum satisfactum, & variatio novum est indicium. Quamquam tunc ultra tertiam non extendatur, *Clar. §. 11. qu. 21. n. 36.*

LIB. XLVIII. TIT. XIX.

## DE PŒNIS.

Qv. I. *An poenae sint Juris Naturalis?*

**A**FFIRMATUR: Natura enim reus ob quamvis culpam tenetur *Laut. pag. 715. verb.*  
ad talionem, id est, tantum pati debet, quantum damni dedit; *infigitur jure.*  
quia alias injuria reparata dici nequit.

Hæc autem talio, seu pœna, non ita crude est intelligenda, ut ei, qui membra fregit, iidem membra frangi debeat, sed quod tantundem pati, adeoque aliud malum ejusdem æstimationis infligi ei debeat: atque de hac talione, ejusque ratione, integram dissertationem scripsit *Dn. Parens de Sacrosancto talionis jure.*

Qv. II.

